



**Информант: Ефимова (Максимова)
Александра Максимовна,**

вордиськемын 1 апреле 1929 арын ВужКаньсар гуртын

Тужкема дыр ортчизини Вормон нунал дырысен .Ож вакыт ортчем дыре кыле, нош со сярисьтодэ ваёнъёс кылёзы всяккы асьмелэн сюлэмамы. О:жыт но о:жыт кылё ини та вакытысь пересъёсмы. Соос ке улоньсь кошкызы, соосын ч:ош история но кошкоз. Шапыкен-шапыкен ке но, бичано асьмелы та узырлыкес. Та муген ик пумиськи мон туннэ Шыньыл (Верхняя Шунь) гуртысь песянаен – Очан апаен.

- З:ечбуресь, Очан апай, кытын но ку ти: ворди:ськемын?

- Ворди:ськи мон 1929 арын. Числазэ кин тодэ ини, 1 апрель о:й вал-а? Ваньзэ вунэти:ськем ини мон. Азылозэ малпаны кутски ке ик, бо:рдэме потэ. Мон анайме воксё уг тоди:ськы, 1 арес кылиськем, лэся, мон. Али но тодэме потэ, кыч:е вал медам мынам анае.Атайме но адз:ыса ик о:й вуы кадь. Пичи-пичи гинэ тоди:сько, со монэ весь ал вылаз гинэ пукытэ вал. Кыкети: анае вал Шыньылысь, Арукай дорысь. Со будэти:з ини милемыз, мон самой пичиез вал. Арукай анайме туж ярати:сько вал. Анайме но атайме но со воштитз ини.

- Вералэ вал, кызы но кытын ти: кыли:ды секыт иворез – война?

- Ма, кызы шуыны ик уг тодиськы ини. Мыным соку 11 арес гинэ вал ай. Коркасен кылиськем, дыр, ини. Дядяйёсы но атае жугиськонэ кошкызы, огзы но о:з бертэ...Ко:ня мурт о:з берт милям гуртысь гинэ! Быдэс дуннеысь жыны калык быдмиз, дыр, отчы.

- Шо:ди:ське вал-а война гуртын?

- Уз, пе, шо:диськы. Гуртэ ни но:кыч:е пиосмурт но о:з кылъы. Чисто нылкышноос но пинальё:с. Вань секыт гуртысь уж ми вылын. Коркасьсэ но ужано, колхозэ но потоно.

Колхоз ужалэсь кылид ке, тюрмаен кышкато вал. Гужембыт колхоз бусыын уриськиськом вал, ю бусыын, си:зыл йыр бичаськом. Толалтэзэ нюлэскы пу кораны лэзё вал. Келяло вал пуэз, кытчы келяло вал, дыр, незнай. Аресэ пичи, з:игары о:во:л, туж секыт йо:тиз ини. Сиён о:во:л, кин кытысь МА сётоз шуыса но улиськом вал кытияз. А кэзыр ко:кыын кыллэ. Гуртысь кин ке кулэ ке, ми асьмеос ик шайгу гудыса ватиськом вал. Милям пудомы трос вал, вальёсмы но вал. Одиг маке верало ай, Люди:. Орёл нимо валмы вал, сыч:е но визьмо, адыми кадь ик. Кулэм мурт ватыку но йырзэ сэзъяса бо:рдэ вал, экемет гинэ. Собере сое келязы, кытчызэ-марзэ кытысь тодисько ини мон, пичи мурт. Сьо:рзэ учкыса-учкыса, синкылиен бордыса кошкиз. Али кадь ик син азым. Соку туж жалай мон сое, али но бордэме потэ.

- Пудомы трос вал шуиськоды, ти: соосты асьтэлы си:льлы кариськоды вал-а?

- Карод, пе. Котьма понна налоген усыкмыто вал гой соку. Уксёен тыриськемед ке о:з луы, пудодэ талало ини. Курегпуз, йо:л – ваньзэ тыриськонлы сдавать карылим. Вальёсмес жугиськонэ келязы.

- Очан апай, нош ко:ня класс дышетскыса вуиды?

- Дышетски, 6 класс дышетски. Книгаос о:й вал, тетрадьёс о:й вал. Газетлэн гожъям висказ гожъяськиськом вал, кинлэн газетэз вань. Соиз но ваньмызлэн о:й вал гой али со.

- Нош кин ти:ледыз дышети:з?

- Вот дышетисьме уг тоди:ськы ини, котьма шу, уг тодиськы, нылы. Нинома йырвизыы о:во:л ини.

- Туж-а ёрмыли:ды сиёнлы?

- Эй, нылы, маар веранэз ини, бо:рдэме ик потэ... Али, инмарлы тау, ко:й-во:й по:лын ули:ськом. Колхозын ужам понна пичи-пичи куддыръя нянь сёто вал. Семьямы бадз:ым, сиён уг тырмы. Соку дяна потонэз уг тодо вал гой. Кенакъёс, соослэн пиняльёссы – ваньмы ч:ош ули:ськом вал. Уксёлы туж о:м ёрме ми. Тянгуртын нянь пыжон интызы вань вал. Арняяз ог пол, яке кык арняяз огпол отчы ухаллаен няньлы ветли:ськом вал. Милемыз лэзё вал ини, пиняльёсыз. Бере кылид ке, нянь быдме. Сои ник уин потыса кошкиськом вал, толалтэ 3-4 часъёсын. Огпол тожо вазь ик ч:узна кошки ухаллаен, огнам. Мынисько ини табере, О:ресдыл пала вуисько вал ини, азым кион поти:з. Турто куспе пуксиз но пуке. Ай-ай, курдайке, курдай, ниноку но уг вунэты. Шокатэк сыли:. Соку кионъёс кругом тырмемын вал. Мынам шудам нош ик Каньсарысен няньлы мыни:сьёс вань вылэм. Али кинъёссэ но вунэти: ини. Кык ч:ошен вал соос. Соос курдати:зы кионэз.

- Нош ди:ськут, пыдады кутчан кытысь кариськоды вал?

- Ма куиськом вал асьмес дэра. Собере вуриськом вал. Асьмеос о:м ке, кинлы ке вурыны сёти:ськом вал. Соку но гуртын вань вал усто вуриськисьёс. Коркалы быдэ о:тчало вал

соосыз. Нюлэскысь нин вайыса, кут кутаськом вал. Кутлэн ули:яз тулыс котэн кос корта
пони:ськомы вал.Милеськым адз:еммес нокин но медаз адз:ы ини.

Вераськиз Сутэр-Починка шор ёзо школаысь

з:уч кылъя но литература дышети:сь

Яковлева Людмила Пантелеевна.

25.02.2014